

四庫全書

集部

欽定四庫全書

文簡集卷十五

明 孫承恩 撰

五言律詩

為何養高題扇景二首

傲睨江天濶依依島嶼明
風林聞落葉烟渚看雲生
黃綺終堪隱巢由不慕名
為君占易畫履二得幽貞

又

約處惟求志逢人懶折腰空山足盤礴幽境謝喧囂野
色連蒼莽詩情遡汰寥掀髯誰與和涼吹自瀟瀟

搖落

搖落孤村晚江山一弊廬頗憐賤子病重枉故人車釀
熟尊多酒溪深饌有魚百年寸心事相對一嗟吁

何處難忘酒二首

何處難忘酒茫茫宇宙間浮生無百歲壯志有千年窮
達非由我賢愚不係天此時無一盞心事向誰宣

又

何處難忘酒傷時變故多有心羞末俗無力障頽波
漠漠從誰問悠悠竟若何此時無一盞彈鋏不成歌

南齋十詠

南齋周先生以十物求題示不忘也原其意
作詩以表之

書籍吾家物經時脉絡穿香芸虛舊篋科斗半陳編貽
後真良產資身豈舊筌猶思疇昔遇日日共周旋

右靈簡

貧賤舊時情年來怨不平
床頭違夙契墻角締新盟
苦窳非前見淒涼減夜明
猶思疇昔遇相對坐深更

右廢藥

綠綺遺來久凋零漸不任
尾焦存古製絃斷知音難
厠虞廷樂空含太古心
猶思疇昔遇彈處月當襟

右舊琴

寶劍出吳鉤精光紫電流
芳塵凝古匣銳鍔掩清秋
尚

作蛟龍吼還令魍魎愁猶思疇昔遇懸佩上皇州

右塵劍

墨妙傳來敝書齋老歲華奔泉空渴驥入草失驚蛟零
落行春蚓模糊點暮鴉猶思疇昔遇摹搨愧薑芽

右敝帖

我愛丹青妙傳來歲月徂天機還慘淡繪色漸模糊烟
水渾明滅雲山空有無猶思疇昔遇曾費百金沽

右殘畫

素質明雲浪分來自剡溪卷舒曾未試篋笥已多時覆
瓿吾寧忍擣文子亦宜猶思疇昔遇心事重相期

右故紙

價擅烏金重研來滿硯香鴻文曾潤色豹索費珍藏已
見規模缺應嗟歲月長猶思疇昔遇揮染走龍光

右餘墨

名著中書省曾誇戰捷還遺功尤未泯末路已驚難鋒
力慚新銳衰頽類老殘猶思疇昔遇橫掃滄濶

右顏筆

我有端溪石人言紫玉堅文章經點染歲月老磨研凹
底雲根漏剗中雨脚聯猶思疇昔遇日日試松烟

右穿硯

過東禪寺友人書齋小酌二首

何處藏修地禪房雲水東院深無犬吠門僻有苔封萬
里看鵬鶚三冬困蟄龍不須悲世事且領一尊同

又

交情憐久別今日此尋君話舊消清坐開樽對白雲
乾坤落落世事總紛紛不盡留連意歸途已暮曛

貞軒詩

先民有遺訓末俗見斯人自是甘肥遁誰能混世塵
行藏吾道在宇宙一身貧高誼真堪託吾將與結隣

雪望

密密復皚皚玄陰鬱不開雨凝飄漸積風急去仍回
欲把羲娥弔還將混沌猜誰歟蓑笠者沽酒過橋來

對雪

朔雪千林盛連天舞素霏依依巧作態脉脉故無聲只
可如袁卧難為訪戴行小山渾不俗玉立更崢嶸

寄題儲亭西山亭和汪東麓韻三首

窈窕深穿壑嶽岑小築丘川光涵鏡靜石氣雜雲流花
鳥娛幽興蒲荷足晚收更聞貽後遠千卷貯層樓

又

古樹藏迂徑平臺對石橋兩堤莽迴合一水故迢遙鮭

菜君家足林泉我興饒何當乘暇去吟賞判連朝

又

吾聞蓮塘曲儲子構名山石作三峰峙溪流九折灣塵
中有幾率海上見高顏羨爾萃奇勝誰言造物慳

都下卧病

卧病洛陽城不知時序更屢空諳客味數問荷交情壯
志因愁減哀顏覽鏡驚前程那可計休咎任浮生

送劉公勛乞終養歸

筮仕便辭歸寧親願不違私情
烏鳥疏高興北山薇花
塢潘輿穩秋風萊綵輝
嗟予望雲意為汝益翻飛

為戴道士題畫鶴

不逐腰纏客清溪歲月深

戴號清溪

朝從遊碧落夕返憩瑤

岑華表歸時語黃州去日心
蒼茫明月夜兀立候松陰

遷寓五首

客裡多遷次今茲始定居
亦知同逆旅聊復認吾廬
隣訪新移客兒穉未展書
終宵眠不穩明月照窓虛

又

雅志憐幽寂
吾廬亦自宜
城臨風到急
地逼月來遲
病起身猶歎
門扃客屢題
幽懷無所寄
多種菊花枝

又

門倚重城地
心瞻咫尺天
寂欣少塵事
況喜近仁賢
斗室堪兒讀
空庭足馬旋
宦途媿貧薄
那敢過求全

又

突兀見危城
天然列障屏
開軒藉深穩
壓棟自虛名
夕

照樓臺麗秋風鼓角清趨朝應自慣不用聽鷄鳴

又

是處誰非寓吾廬又再更天涯淹久病客思喜秋清歲
月看人老拘牽笑此生故園三泖上回首獨含情

邱中思家四首

寂寂書齋夜悠悠對短檠異鄉千里夢故國一家情歲
晚風偏勁天空月正明孤吟愁不寐戍鼓遞高城

又

白髮親齡暮青山客路長經年千里信一讀九迴腸最
喜猶強飯深期早促裝不知何歲月花底進霞觴

又

不見伯兄久荆花靜晚風平生敦手足此日任西東萬
里看鴻鵠三冬困蟄龍不知今夜燭誰與一尊同

又

靜夜長如歲羈愁冷似灰繆通京國籍虛負故園梅不
寐聞寒柝多情減壯懷無端寥落意一一上心來

題陶淵明畫

白日識歸心涼風吹葛巾世行元嘉歷身是義熙民望
裡停雲賦門前送酒人綠楊深匝戶別是一家春

雨

疎雨夜深聞朝來暝不分隨風看裊裊雜霧更紛紛徑
草添幽翠池波織細紋居閒無晤語袖手對爐薰

竹

蔭屋交虛翠當窓送夕涼清聲時到耳濃露濕沾裳老

幹排籬出新梢落粉香再歌淇澳什不擬晉人狂

與諸友避暑河亭小酌

勝事聞河朔吾亭亦自宜凍雲低結暝檻水淡生漪竹
韻清醒耳瓜漿冷沁脾况憐明月上歸興更遲遲

將曉

歷亂銀河落朦朧曙色微忽看入幽戶漸已透疎幃物
各知羣動吾思欲攬衣幽居雖少事頽惰自非宜

幽事

幽事時時有閒居頗自便聽鶯留徙倚教鶴助踟躕
掬水苔磯坐尋芳竹徑穿却憐城市裡車騎正喧闐

和荅喻揚菴郡公五首

宇宙寬如許卑棲但一枝何期野人屋欣得大賢詩
高鳥冥冥去飛花故故辭美人隔秋水無計鎮相隨

又

種竹期三徑栽花亦數枝溪山餘遠興天地入新詩
塵世久成厭清時難便辭終當返初服猿鶴共追隨

又

遺老吾何敢居閒得自怡力耕聊卒歲久病欲忘詩盛
美嗟誰及迂疎忝受知最憐公務劇扳屈媿無期

又

卜築真成戲幽棲任俗猜登臨屈冠蓋光彩動蒿萊自
媿盤飧薄能將懷抱開迂疎或不棄乘興肯重來

又

叩戶醒殘夢開門得好詩驪珠驚到眼宿疴忽如醫喜

溢高歌久才踈勉和遲小亭成勝事幽寂動春姿

夜雨

小雨看終日昏來灑更微新涼透疎簾餘潤濕書幃宿
鳥翻枝警流螢觸暗飛雲間淡星月時復見依稀

雨不止再詠

黯黯連旬雨陰雲只自浮竹窓巢翡翠粉壁上蝸牛野
徑人行少溪塘水漫流病夫為歲計兀坐正含愁

雨益甚再詠

浙瀝無時歇，俄驚忽沛然。疾奔橫迴野，密洒暗長川。檻水看將溢，茅堂懼欲穿。蒼茫渾不解，默默向穹玄。

雨後邀友人

寂寞孫康宅，幽懷若與論。昨宵時雨過，今日綠陰屯。傍檻先鋪簟，臨流重洗尊。即看能枉駕，候子立柴門。

雨中和答友人

風雨飄蕭至，烟霏日夕深。二儀莽迴合，萬象盡陰森。龍蟄慙高隱，鶴鳴懷好音。何由得聯席，重話百年心。

雨止

稍稍風生樹疎疎
雨散痕清溪明素練
斜日爛頰盆粉
蝶過吟幔沙雞舞竹根
幽尋何可已擬一過前村

和答詹東魯年兄

寄興有孤亭居貧亦自清
野花當檻落山鳥近人鳴
雅意師樊子多才媿長卿
此心無俗累永夜月同明

臘月過東庄命園丁插柳

寂寂東庄晚蕭蕭風正嚴
柳陰常媿薄此月更應添
未

擬成深徑還教覆短簷明年看翦鬱雲幕映青帘

和張石盤侍御年兄過訪之作二首

倒屣迎驄馬焚香共草堂情因罇酒洽興逐野雲長
子特來乘暇吾翻得少忙不緣重交誼經月懶冠裳

又

曲徑通蔬圃清溪帶草堂野花隨意好鳴鶴向人長
得閒中趣悠悠物外忙偶聞談出處為子欲褰裳

贈別石盤二首

道誼交情重江湖別意深清樽聊此話何日更同斟
慷慨時事蹉跎媿壯心向來憂國淚相對各沾襟

又

去去從此別重逢亦杳然乾坤雙眼濶歲月寸心懸
失學嗟子病憂時念子賢明朝何處望風雨隔江天

東里草堂二首為表兄賦

屋後桑麻長簷牙鳥鵲喧叢篁深夾徑喬木翠當軒
自適清真態都無俗累煩優游百年內此外更何言

又

吾生厭塵俗羨子得深棲
座有鴻生至門無鳳字題
綠蒲抽水直朱果壓枝低
此日從君飲真拚醉似泥

晨起

避俗常忻靜晨興亦不妨
疎星映幽戶寒露落芳塘
花竹輝書幌琴尊靜草堂
不緣有幽事自是惜流光

秋夜

露下聞蛩早城中擊柝頻
驚風時攪樹明月似窺人
壯

志看雄劍中年歎病身悲歌還出戶徙倚望星辰

雨後過友人別業

雨過郊原淨幽居愜老夫弄晴花欲語得意鳥頻呼風
柳千絲裊烟莎一望鋪欲過故人話須挈杖頭壺

克嗣姪畢姻示以詩二首

爾父違而早天遺後死悲友于情曷已對汝淚空垂鞠
育歸惟我承傳係有誰室家大人行須效大人為

又

造次嗟貧薄區區畢此心都將百年淚一徹九泉深
儒素由來舊家風豈獨今淫奢人易溺俛仰一沉吟

題便面二首

寂歷青山晚悠然似古春溪雲生白石茅屋斷紅塵
嵐重渾疑雨山深不遇人祇應橋下水照見白綸巾

又

脫屣浮雲遠幽居賦考槃秋衣裁薜荔長佩纈芝蘭
白日吟邊過青山天際看松風驚謾謾吹我切雲冠

春日放舟

鼓楫春江上幽懷無奈何輕風泛蒲柳斜日蕩煙波歲
月雙吟屐乾坤一釣蓑濟川成底事吾意漸蹉跎

病起二首

一卧兼旬日居然怯病魔山中寡塵事靜裏見天和隣
父抄方送門生載酒過朝來頗強健還我稱弦歌

又

久病朝來櫛徐行力尚慵幽花渾自媚野鶴故能從望

遠勞昏昏臨池歎瘦容焚香還靜坐書卷任飄風

為楊士行題扇景二首

士行號晴川

林木散清霽微風度水遲扁舟蕩落日紅色照吟髭逸興孤雲遠閒情白鳥知美人渺何許幽賞共襟期

又

老樹頽崖石輕舠拂渚磯水花含晚淨沙鳥近人飛涼吹還歌帽晴雲欲染衣何由添入我吟倚對斜暉

又題扇景

碧漢烟俱斂幽巖花欲然美人多逸興載酒過前川
傲睨天垂野嘯歌風滿船何當三汜上似爾亦飄然

七月廿七日借曹錦溪舟出郭小泛戲作呈舟
主一笑二首

畫舸隨潮發幽懷頗自宜鷺移參別渚蟬咽送高枝
碧水靜風浪黃花驚歲時世途多感慨吾意欲何之

又

搖落楚江湄秋風獨棹時孤雲淡離思斜日照吟髭忽

想橫江鶴因看入水鷄天隨有真趣吾欲共襟期

月夜露坐甚適

月出炎氛息空庭爽氣浮斗杓初北指河漢欲西流竹
卧橫侵榻螢飛徑過樓坦然無俗累自覺興優游

督園丁溉菊

元亮歸來興黃花歲晚心數枝渾自秘九日漫將臨會
見風霜肅全資灌溉深東籬吐幽艷我欲對清吟

獨坐

旭日照簷楹高齋虛更明
閉門幽意愜隱几篆煙清
野鳥每雙下林蟬時一鳴
敢云拋世累暫爾學無生

次韻謝吳黃洲郡守過訪

瞻企時常切追陪此日親
偶同山簡興來賞習池春
真率惟疏具迂疎愧野人
醉餘猶自整隨意岸烏巾

借韻述懷二首

地僻塵喧少幽居誰與親
琴樽消俠氣花柳媚長春
感事頻懷古逃名欲避人
百年天地裡白日照烏巾

又

避世非吾事幽居迹頗同
石田鋤夜月茅屋領春風
文債蹉跎有江天夢寐空
懷人渺無極望入泐寥中

九月

天上繁霜降人間秋色深
千林飛落葉萬戶動疎砧
憔悴潘郎鬢低回宋玉心
吟詩欲排悶哀詠更難禁

菊

野菊叢叢艷清香細細寒孤根謝桃李幽致契芝蘭欲

共陶翁醉思遺屈子餐小齋明葉几移得一枝看

秋日泛舟

幽意渺無著溪邊掉小舟天晴鳴野鶴浪穩趣輕鷗不
俟鑑湖請聊同笠澤遊悠悠隨所適吾欲聽漁謳

秋晚村行

步履江村晚西風小作秋深林喧鳥雀落日下羊牛機
杼千家共田禾一望收偶同野老話雞黍為遲留

悲秋

海上涼風動山中秋日深百年摧短景萬里接層陰凍
蘆依時放寒蟬戀樹吟平生搖落意卧病更難禁

觀刈稻

秋霽郊原淨平疇刈穫空千林留夕照隔塢聽高舂數
口勞生計三時念僕功流移多未復能得幾家同

和郭杏岡秋日漫興十二首

禁密隣天上清閒學灑西風光不相負筆硯且幽棲徑
僻花通牖階深蘚護泥興來得佳句自向壁間題

又

雨後蛙喧吹風前鶴報衙
觀書焚柏子臨帖泛松花
客至簷鳴鵲天晴散晚霞
此中清寂甚底處着紛華

又

院靜如僧寺官閒類隱居
凍雲低接樹露井暗通渠
慮淡入禪定心遊到古初
自知迂拙甚底處曳吾裾

又

忽忽悲時事悠悠念此心
道窮知己少性僻避人深
樹

色陰連屋花香淡拂襟儘於疎懶便無補費光陰

又

虛館深秋色閒情坐日西幽花當檻落小鳥傍簷棲石
罽苔漫砌天書鶴篆泥雖無觀物妙興至亦堪題

又

閒官稀候吏玉署例槐衙樹隙鳥窺牖水邊魚唼花斷
虹低返照殘雨亂明霞自是神仙境幽幽遠世譁

又

未老先欣懶辭人慣索居愛花頻葺土引水亦穿渠乳
燕離巢後高梧落葉初時防候謁吏聊復整冠裾

又

信步獨行吟悠悠太古心鳥聲聽處慣山色望中深憩
石頻搔首臨風一振襟片雲應送雨小院落虛陰

又

喜看殘暑退短景日行西兀坐偏神爽冥心與道棲風
輕蛛葺網雨過蚓蟠泥詩拙慚人看唯應僻處題

又

庭空下饑雀吏散早休衙
引鶴尋芳草教童掃落花
有書消白日無句詠青霞
市遠人聲靜真堪斷俗譁

又

林宗好孫子如我好閒居
得句頻貽我論文最憶渠
異聞多白帖妙句擬黃初
薄劣真無似深慚共曳裾

又

慷慨千年事低回一寸心
行吟白日晚悵望碧雲深
曠

志思超世虛懷不滿襟濟時吾豈敢卷裡較陶陰

春日漫興用前韻十二首

徙倚當清晝花陰漸轉西小詩妨實學野性慙幽棲排
闥迎山色移床避燕泥無邊風物好隨意入新題

又

吏隱吾兼得高齋休早衙琴樽消意氣風日醉鶯花撫
石衣生潤臨書字剪霞極知成散誕耶復避喧譁

又

自任清真態難同木石居花濃陰照砌草細淺籠渠正
是蠶眠候相將麥熟初城南聞更好欲向滌塵裾

又

疎拙從吾性幽閒快賞心斷雲隨鳥沒清漏隔花深聊
適吟中趣誰題漢上襟小庭成久坐茂樹有餘陰

又

坐惜春將晚行吟日又西鳥皆忻競啄鶴只愛孤棲淡
蕩頻催煖廉纖不作泥詩成說朋輩絕勝竹間題

又

近侍元非吏瀛洲豈是衙有鶯皆喚友無樹不飛花點
易研清露希真咀絳霞從來輕世務不獨厭紛譁

又

此日江南景吾思水竹居檻邊巢翡翠花底戲雛渠遊
客提壺處農家布穀初懷人邈難即誰與共襟裾

又

節物隨時變浮雲任此心花香捲幔入草色閉門深感

事空彈缺懷賢每正襟留連未歸去斜日度輕陰

又

厭俗俗難避望山山更西獨憐玉署靜時有白雲棲對
此花成陣何妨醉似泥好吟吾亦癖重和隔年題

又

澹澹雲生暝陰陰日過衙小窓穿燕子高棟拂楊花調
瑟絃流水醪醇竿泛霞出門即塵市車騎正喧譁

又


喜有同心友時來慰索居清談成款洽高誼正勤渠消
息占羲畫幽玄邈太初却憐寡昧者還此愧襟裾

又

對景忽無語何人識此心尋花穿屈曲洗硯汲清深小
鼎時添火晴窓漫漫解襟踏枝何處雀攪碎一庭陰

送余子華歸省

詔許寧親去爭看太史歸春深花霧重寒退柳風微越
嶺茶堪摘姚江鰈正肥因君動余興夜夜夢班衣



文簡集卷十五

欽定四庫全書

集部

文簡集卷十六至十九

詳校官中書_臣葉元符

中書_臣劉源溥覆勘

總校官原任中允_臣王燕緒

校對官修撰_臣戴衢亨

謄錄監生_臣張鴻恕

欽定四庫全書

文簡集卷十六

明 孫承恩 撰

五言律詩

使交過嘉興舟中對雨

雨上羣山暝雲深萬木稠橫斜飛迥野颯爽送高秋
弭節依蕭寺孤吟倚舵樓故園猶咫尺早已動離愁

遊龍淵寺二首

躡屐此登臨雲關深更深佛香霏霧氣僧唄殷潮音竹
院浮空翠松窓積暝陰世途吾亦厭欲此學安心

徙倚禪林勝瞻依佛界寬雨花飄石座幡影落松壇地
迴紅塵隔雲陰碧殿寒一泓杳深黑疑是有龍蟠

重遊沈氏山庄四首

弭節追嘉會留歡惜此筵投壺青障裡洗醖白雲邊東
道千金意皇華萬里船題詩不盡興把筆看秋天

舊艇仍同泛名山得再窺野塘添活水脩竹更新枝僕

喜曾來客篇題未了詩明朝復成別沉醉不須辭

徑熟登應便苔深步履驚山靈知舊客天意與新晴

連日

陰雨

空翠沾衣潤幽花照眼明忽思張柱史慷慨百年情

往與張汝立侍御同遊

薄與山靈素重來續舊緣深巖棲宿霧曲澗咽飛泉不
計觴行急從教帽影偏醉中渾忘我隨意舞風前

石屋次韻

石屋何年鑿秋風此度來空明通日月蒼翠疊莓苔元

氣蒸常濕烟霏鎖不開何當傍幽勝隨意築琴臺

螺川與杜元吉話舊二首

九日江波上一杯逢故人清時無藻鑑滄海有遺珍惜
會頻催飲臨風漫正巾王程還此別回首隔雲津

幾載交游隔茲晨笑語同清樽酬令節彩鷁共秋風道
誼襟懷裏乾坤感慨中獨憐雞黍約有日更從容

晚泊

野屋平臨岸江流曲抱城星移拖水白月近接沙明夢

杳青山隔愁多白髮生
燈前聞戍鼓獨坐正含情

江夜

月出四山靜江空獨鳥飛
遠汀漁火暗茅屋住人稀
病體愁衝險中年志息機
秋風吹日夕老却故山薇

江舟對月

靜夜瞻明月孤唵愴客神
獨憐蟾窟地能照白頭人
細草蟲鳴近深林鵲嘒頻
明朝清鏡裡霜鬢又添新

至梧州

卷十六
的的炎荒路蒼梧物幽孤城淡斜日疊嶂肅高秋
鮫室光常秘龍洲水自浮兵戈聞處處感事重添愁

遊韓太監山園小酌二首

宮監園亭好天開枕翠微境寬魚鳥樂地僻吏人稀
細草薰苔徑寒花照竹扉無端幽意動惆悵故山薇
清讌隨飛蓋長筵對碧岑徵歌魚出沼選射鹿驚林
樽斚花香度簾籠樹色深無因長借榻有約更窺臨

忠州道中

晨發瞻長路蒼涼映曉暝寒藤繫古木野竹翳荒村徑
合黃茆盛山連碧霧昏垂堂寧敢論去去任乾坤

龍州候信不至

王事何緣畢鄉心動欲飛只將捱白日看到幾斜暉事
變看常錯人謀每自違愁來損眠食應減帶腰圍

題仙岩

峭壁開青嶂幽居鎖翠微玄猿將子掛蒼隼引雛飛神
斧曾經鑿仙人杳不歸惟餘一片月終古自依依

遊仙岩二首

山郭行厨近平原，小隊齊頰窺臨石屋飛。
步憶丹梯日薄烟，光暝天垂樹影低。
尋幽豁羈思，吟倚更淒迷。

空洞含陰霧，虛明漏遠天。
扳遊偶今日，開鑿自何年。
逸興飛雲外，遐思遠古前。
夕陽還命駕，烏帽受風偏。

歸途至南寧喜見二僕三首

嶺表將歸日，天涯欲盡年。
偶於童僕遇，翻成兒女憐。
望香青山外，心馳白鴈前。
中年頗怵觸，事易淒然。

已是臨歸日何堪見汝曹
羈棲憐若病行役問吾勞
灘東江聲急山藏瘴霧高
故鄉猶隔遠離思轉滔滔
幸喜多安穩聊將慰客途
入舟翻自失對酒更頻呼
骨肉憑誰訊鱗鴻有到無
白雲瞻不極清淚落江湖

阻風同鄧太守子幾小酌崇禮舟中

野曠饒風色江空閣使槎
一樽聊此會萬里共天涯
局覆誰應伯臬成各自誇
腐儒渾不解袖手看君譁

舟行復值風



卷十六
白日行將晚滄江流正深風聲動地至雲物接天陰牢
落孤舟夢飛騰故國心今宵何處泊莫近有猿吟

贈吳叅戎四首

嶺表三冬使滄江萬里槎幸逢賢地主聊復慰天涯方
叔周心罄嫖姚漢爪牙羨君多將畧隨處向人誇

南國威名舊朝庭簡命專殊方人繪像素節士稱賢拂
劍風生鏑彎弓月滿弦軍中多暇豫亦不廢詩篇

山郭籠寒霧江波浴遠天長風雄鼓角斜日送樓船文

事將軍鮮名家武畧專相期樹勛業博取漢貂蟬
嶺海吾行遠風塵道未休瘡痍方日甚武略更誰優
慷慨捐軀志從容應敵謀去將銅柱洗來伴赤松遊

季冬重遊韓太監山園二首

使節茲仍駐名園喜再過入山黃葉滿貯屋白雲多
水靜魚深隱林空鳥不歌重來知莫遂回首意如何
有暇還尋勝無庸問報書題詩不盡興刺眼尚如初
地主儀文備儒生禮法疎祇將連日會摘盡一園蔬



與蔣舜咨夜宴話別二首

吏散庭除靜
筵開笑語親
不嫌通夕話
俱是異鄉人
歲月空雙鬢
高深獨此身
相期樹勛業
嶺海正風塵

文飲樽頻閣
清談語不譁
高樓傳戍鼓
瑤席散燈花
寒日他鄉夢
春風海上槎
萍蓬無定所
相憶又天涯

留別舜咨二首

萬里家山興
兼旬故舊歡
輶車君暫住
使節我當還
王事有離索
天涯須勉餐
高堂垂白在
為子報平安

幸喜逢南國愁看賦北梁江湖催日景原野媚烟光藩
省專民社賢科得俊良莫嗟久借寇會見早徵黃

哭都諫俞崇禮三首

向曉從容話俄驚生死分牽衣頻顧我忍哭更呼君書
劍親孤櫬精靈結暝雲無言內僮僕哀淚落紛紛

契濶無終日顛危實異鄉皇天生變故白日照蒼黃誼
切幽冥隔魂歸山水長病軀那值此顧影獨神傷

王事馳驅久間闕嶺表行才猷當首讓冰蘖共心盟似



子堪人物於今失俊英臨棺寄一慟豈獨友于情

發梧州

移棹青山動揚舲沙鳥鳴諸公勞祖席萬里快歸程天
與微軀健囊知使節清夕陽重回首烟霧隔孤城

舟中對雨二首

舊雨連今雨江雲接嶺雲冥冥看轉密漠漠認難分漢
節歸無恙鄉書杳不聞推蓬試孤酌容易得微醺

密雨聲猶續高天黯不開忽看橫野去還作蔽江來水

鳥拂舟健溪猿嘯侶哀客愁多寂寞北望正悠哉

舟中有懷三府却寄二首

展席勞扳餞持觴愧屢辭醉來渾忘別醒去漫能思清
夜籌添後蓬窓雨到時此身萍梗似回首益淒其
喜託兼旬愛真成萬里遠不堪懷別恨賴是故鄉歸目
極連山阻帆開帶雨飛平生苦情累幾日重依依

舟中夜雨

浙漚何曾住孤舟寒氣侵只將一夜雨滴碎百年心不

寐頻欹枕呼童更攬衾朝來江水長應沒舊痕深

阻風二首

浩浩北風疾陰陰春日寒孤舟逆浪百丈曳高灘轉
覺歸心切空嗟行路難白雲遙引領當食不能餐

朔吹翻波洶孤舟坐浪歌客情空黯黯雨意欲垂垂詩
句刪啗後爐薰打坐時天涯喜歸去不敢怨遲遲

贈鷗江徐老先生四首

暫弭皇華節來過君子鄉龍門驚倒屣草閣共焚香世

服投閒早天教閱歲長只應高隱地白髮照滄浪

喜見桑榆日鄉推齒德尊豈知萍梗地得奉笑言溫
養恩猶昔通家誼更敦因公多惻愴風木暗消魂

童子樞趨日先公道誼俱淒涼嗟歲遠福祉似公無
逸思還堪賦高年不用扶獨慚淺薄者酬德志猶孤

問訊經年約登堂此日歡清言喜新得往事動長嘆
江濶浮孤嶼春陰生薄寒重逢渾未卜再拜別公難

重會杜元吉昆玉二首

雞黍經時約皇華此日旋追陪荷高誼離合固多緣清
話淹終夕明河落遠川不堪談往事二十九年前

京國同門日天涯話舊時故交憐久別浮世歎多岐淺
薄慚非分飛騰自有期勉旃崇德業候子鳳凰池

贈吳黃洲五首

憶自公歸後吾人切去思即看今日論已斷百年期賢
哲誰無毀行藏更弗疑受知慚淺薄未有答恩私

欲識黃洲貴今看孰與同誰能於宦滿猶只似儒窮天

道終當定人言久自公英標看驥子會擬振家風
為問黃洲隱何慙綠野賢閒情渺烟水高興薄雲天道
在寧論貴身輕即是仙曾聞極玄思註得衛生篇
浩蕩黃洲上超然謝世喧水禽時近榻俗客不過門憩
石雲生袂嗟詩月滿樽浮榮亦何有勘破底須論
久別情何極相逢話獨長世途嗟蜀道心事付滄浪問
我幽棲地添奇水石旁無由得公去重醉舊茅堂

留別黃洲二首

孤楫清江渚，離筵落照邊。
一樽同笑詠，明日隔山川。
契誼看如此，愁懷益渺然。
無由慰瞻溯，時望寄詩篇。
把醖春風動，吟詩白雪香。
歸心迷故國，別意滿河梁。
後會渾難卜，驪歌不厭長。
心知無近遠，底事重徬徨。

常山喜得家信三首

此日逢家信，千金喜更真。
客瞻異鄉月，人別故園春。
安穩無餘望，康強有老親。
拳拳寸草意，感激戴蒼旻。
幸有平安慰，兼云得兩兒。
抱慚非孔釋，夢已協熊羆。
天

意將無定吾年已漸衰宗祧百年事撫已重嗟咨

失學憐兒輩臨臧意不無即看語造次詎有苦工夫春

雨招梅友秋風聘橘奴

書云近種梅橘

小園多幹當幸不至荒

蕪

過嘉興

望入吳山水鄉音聽漸真天涯空歲月脚底幾風塵桑
梓人情好鶯花客意新男兒詎懷土堂上白頭親

抵家雜詩四首

解裝謝長路及門當晚春風光渾自喜花鳥似相親慰
訊州司厚過從父老真山川多歷覽時或詫鄉人
跋涉已云畢低回不自禁更因歸日喜還憶去時心毫
末真無補高深實有臨老親多慰藉添得二毛侵

小圃多新思苔階覓舊踪
簞中富萬壑眼底失孤峰
興動王孫草詩哦處士松
更憐茅屋角添得竹陰濃

徙倚當春晚行塗步翠苔
猶思曩日別不道隔年回
柳及時新插桃經手舊栽
似憐主人出遲得數枝開

和答郭杏岡司成三首

見說官居好悠然吏隱情花邊碁屢覆竹上句時成勛
業看前輩才猷範後生況聞門第寂冰雪照人清
我亦幽棲好新開水竹居道心成澹泊習氣半消除
慨能忘世疎慵不廢書馳驅有王事明發又巾車
暫領幽棲樂都忘作宦時迂疎故人念踪跡野鷗知引
月牽吟慢留雲護藥籬平生但隨運何地不相宜

疊清字韻述懷一首

養拙諳生理端居感世情易從今日學丹憶幾時成淺
薄慚明主聲名藉友生幽齋誰是伴風月送雙清

和郭杏岡別業八首

杏岡子示予以杏岡別業詩八首予亦嘗小
葺園亭於東海上覽杏岡子之作動幽思焉
因倚和之

郭泰臧脩地城東十畝庄蒼筠深夾徑綠薜漫緣牆採
藥雲侵屐吟詩月近床幽懷渺無際清嘯海天長

聞說東庄好居然遠世紛短筇行引鶴頰石坐看雲隣
父時遺酒山僧解乞文祇緣幽意狎魚鳥亦欣欣
天上辭鸞掖山中結草廬乾坤容寄傲江海渺愁予靜
有思玄賦貧無乞米書素心厭塵俗非敢謂懷居
選得寬閑地幽居取次成曲欄通窈窕高棟自虛明鶴
舞持盃看朋來倒屣迎都將廊廟志一任寄芳衡
野步來春寺清吟對晚沙啟扉巢語燕移酌坐臨花宰
相陶弘景仙人蔡少霞極知盛幽事真足向人誇

未必能忘世遺榮是此心浮名虛歲月幽興且雲林地
僻車塵遠門閒草色深陶翁有真意吾亦厭鳴琴

沃壤平林接虛堂曲徑通薜蘿淡幽翠籬菊艷寒叢散
食留山鳥收芸辟蠹蟲野情真自喜無事入城中

未擬身全逸聊將服返初不忘勤葺搆得有此林廬留
客閒垂釣焚香靜讀書風情有如此何異輞川居

東郊別業用前韻

予既和杏岡子別業八首因憶故園復借韻

短述如數洛中吳下風景雖殊其幽致可互見也

何處容歸隱
誅茅闢此庄
山青紛作供
雲白繚為墻
野竹生當戶
宵蟲鳴近床
水邊與林下
時自放歌長

濟世無長策
歸休有敝廬
雲山如媚客
花鳥亦忘予
冥悟安心法
閒抄種樹書
即看幽隱興
寧羨市朝居

危石當窓疊
疎林傍水成
萬竿脩竹色
一徑野花明
土沃宜耕稼
村荒少送迎
坐來雞犬靜
長日掩門衡

草閣臨鷗渚衡門接鷺沙披星催刈穫冒雨看移花有
感歌黃鵠無才詠落霞幽懷聊喜述非欲向人誇

性僻違時好居閒懷賞心晝眠來雨閣曉櫺坐風林密
藻潛魚穩寒叢聚雀深空花看世事一慨雍門琴

掩戶青春靜焚香斗室虛地留高士宅天錫野人居自
喜迂慵稱慚于禮法疎行藏俱有命莫問道非歟

抗志浮榮外遊心邃古初幸茲投散迹政類愛吾廬庾
有新登粟家藏舊賜書陶然足俯仰不欲賦貧居

漁艇深依岸炊烟遠隔林喜無俗客到時有幽人尋落
日心猶壯中年感易侵考槃仰先哲千古繼高吟

仲夏廿二日同吳石湖蘇一齋楊麟山會王鶴

城別業漫賦四首

薄有丘園興同心喜見招野航春水濶茅屋午烟消花
靜休蜂課籬閑長藥苗傍隣如可卜終老混漁樵

我亦村庄近新知王子居良菑枕茅屋蔓竹匝脩渠野
叟驚冠蓋閒心狎鳥魚追從戀朋好日過欲無虛

村徑門深隱溪塘水漫流高原人放犢古木客維舟坐
久褰衣步詩成把酒謳蹉跎竟何事吾道付滄洲

喜托斯文契休辭酒淺深晤言今日事道誼一生心野
日留餘照溪雲閣暝陰興闌吾欲返宿鳥漸歸林

六月廿七日諸君子會予草堂次前韻四首

重訂茅堂約無嗔折簡招追遊匪公等意氣向誰消村
釀分隣甕山蔬薦菊苗安期如可訪欲去海門樵

門駐高人轍先生賤子居開軒納涼氣展席俯清渠野

老遺朱果溪翁留白魚輕雷應送雨百里殷空虛
歲月堂堂去江河靡靡流笑談且樽酒身世自虛舟莫
易催歸思須教倚棹謳更容移小艇同傍白蘋洲
座拂花香細堦連草色深狂歌吾已醉不飲公何心煙
水三江濶風雲萬里陰素懷邈何許托跡在巖林

七月廿五日會蘇子嘉會堂再次前韻四首

名酒吾當戀行雲不可招素心丹自炯衰鬢雪難消短
袖隨風葉長鑱剗芋苗儘擠書籍棄買斷北山樵

樽俎同清讌江山賦索居登樓欣眺望濯熱欲臨渠文
火殘香篆芸香落蠹魚俗紛渾不到羨爾忘恬虛

逸興孤雲遠年光逝水流陶翁三徑菊范老五湖舟我
酌公須飲公詩我為謳長生如有訣同覓向玄洲

文飲吾情頗清言麗澤深風光行樂處慷慨醉時心花
散霏霏霧雲開白白陰誰云宦遊好不博此園林

會飲吳石湖精舍次前韻四首

吳子幽棲地閑來荷勝招玉舟浮白墮翠釜映紅消菜

長雨餘英禾抽壅後苗知君輕俗累雅志在耕樵

水竹王維宅煙花老杜居尋芳穿曲徑浥賞憩清渠草
軟飛蝴蝶萍開跳白魚百年多暇景幽興莫教虛

對酒歌明月濯纓懷碧流不須移短榻欲去棹扁舟花
當嬋娟舞鳥如弦管謳晚風聲斷續漁唱隔汀洲

物意人同適韶華酒共深雲山如媚我花鳥亦知心石
鼎青霞氣胡床碧樹陰晚蟬鳴未穩曳轡過前林

宋樗菴李鶴峰同一齋過訪次前韻四首

上客時難致和風特為招壺觴容我對鄙吝向公消野
色迎新霽天香發舊苗共言歲事好穠稔漸堪樵

有客高軒過慚予木石居寒蟬頻到耳秋水漸通渠釀
熟尊多酒溪深饌有魚未須愁日暝松月照庭虛

賤子耽幽寂諸公總勝流西山堪挂笏野渡見橫舟玉
屑聆高論巴俞媿俚謳臨風一舒笑逸思滿滄洲

天際涼風急庭前秋色深觸懷若有累靜玩夫何心魚
躍頻依藻鶴鳴方在陰白駒歌皎皎我欲繫中林

會麟山別業再次前韻四首

風月自堪適壺觴復此招野情轉蕭散習氣未全消
海上金光草山中白雪苗浮榮如可棄吾與子同樵
地僻無塵事高人稱隱居啟扉雲在戶決溜水通渠
瀚海聞搏翼濠梁看躍魚百年知道寡粗得究盈虛

小徑花陰合閑堦日影流主言宜盡興僕語好迴舟
歲月無公案滄浪有棹謳白鷗閒似我隨意立芳洲

物外乾坤別樽前意興深雲山欣屬目事業媿初心
野

水淡秋思庭槐生夕陰商歌二三子逸響振雲林

述懷

遠道心為惻隆冬天與晴風輕官棹穩野曠暮寒生惜
別懷知厚匡時恥聖明離羣有孤雁嘹唳不堪聽

江夜

永夜風威盛蓬窓燭影孤魚龍舞幽壑星月墮澄湖無
補乾坤大空悲年歲徂病駒懷秣飼心折向長途

野望

朔地寒偏極河源凍欲枯遙天圍迴野落日滯長途
戍古昏雅集村荒旅店孤中年蕭索意覽眺不能無

舟中對月四首

明月清江上臨流思爽然練搖無定影壁碎不成圓
鳥雀翻枝警魚龍抱影眠美人渺何處孤笑落雲邊

良夜不思寐蓬窓漫倚風月光連浩渺水氣接空濛
大地將無盡銀河似可通謫仙還許約乘興訪龍宮

月映千山雪波搖萬道金水風生澹爽林木坐陰森
遠

塞征人淚高樓獨婦心有懷多感慨吾亦動悲吟

皓魄開無際清輝滿大千白榆搖歷歷玉露滴涓涓
羈旅添愁思家園興渺然年年看月白吟倚草堂前

月下舟行

燈晃蓬窓靜舟行夜色荒無眠情黯黯開戶月蒼蒼宿
鳥棲枝穩危堤隱霧長忽聞人語近不省是何鄉

南歸會金陵李栗齋同行夜雨栗齋邀飲舟中
黯黯蓬窓雨迢迢故國心斯文喜荆識樽酒共宵斟

落江湖迴馳驅歲月深因君談往事淒惻恨難禁

四十
年前

隨先君
宦金陵

浙瀝聽寒雨蓬窓半夜開孤城亂鳴柝高浪急江灘細
數燈花墜休辭酒醖乾獨憐身抱病何以奉清歡
夜閒江聲迴雨深風色寒不禁歸思切翻念僕夫單末
路增長嘆間情渺大觀小山幽興在露滿桂花團

同栗齋飲張仰山別駕舟中三首

細酌清歌動微風錦纜牽居常惜萍梗邂逅合留連古

道低殘日冥鴻度遠天無端故園興飛越酒樽前
川迴兼天末帆開背日斜孤村依遠戍宿鷺聚寒沙病
體樽深怯清談興更賒即看冰雪晚能不惜年華

城市多違阻官程喜接聯平川移遠棹高柳俯長筵舊
識王祥貴新承董相賢幸陪今日話已勝讀經年

衛河舟中短述奉同行諸君子

野曠居人少河流逐岸紆蒼烟迷古戍落日聚啼鳥已
是悲長道還聞警不虞相依有羣彥聊慰客心孤

晚泊

艤棹息風濶樵炊暫倚灘疎星垂野近明月浸江寒吠
犬時聞警棲鳥卒未安帝京與鄉國離思共漫漫

除夕

歲盡惟今夜爐薰只自圍年華隨日去事業與心違斗
北星河曙天南烏鵲飛披衣還出戶瞻望獨依依

元日

把筆書元旦彈冠肅令辰帝城千戶曉皇統萬年春歲

月淹黃卷雲霄悵紫宸悠悠空竊食無補媿前人

朝天宮習儀和甘司空凡山韻三首

大禮展仙宮瞻天咫尺東衣冠明旭日環佩散微風覆
載功難報黃虞道正隆祇應勤頌禱想見萬方同

閣道雲移采燼薰篆裊烟乾坤資帝極虛薄忝官聯雲
閃開黃幄霆驚肅曉鞭自多垂老日身際太平年

琳宇千官集新春萬象蘓堯廷聞華祝漢室陋嵩呼電
繞開昌運龍飛協瑞圖聖明求治切虛臆佇嘉謨

留都玉署無梅悵然有懷小園

古署空梅朶幽懷若為消幾株東海上千里夢魂遙生
意餘碩果貞柯靡柔條春風歲歲好底用悵今朝

東園讌集

勝日張高讌名園集巨公笑談霏玉屑歌舞動春風花
霧迷城堞山雲接梵宮從來幽興劇欣賞意無窮

送陳大諫獻績北上

奏績趨楓陛停驂別草堂三年多獻納千載屬明良風

節雲霄上忠誠日月傍臨岐何所效挽手贈干將

送曹大諫獻績

北闕聞名日南都會面年才高青瑣地人誦白雲篇烟
霧花明驛江春水接天長歌倚黃鵠送子興飄然

送傅光祿獻績

春晚日沉沉長風野色陰人趨溫室樹名著漢官箴聖
主求賢切蒼生望治深台衡行且致願一沛甘霖

文簡集卷十六

欽定四庫全書

文簡集卷十七

明 孫承恩 撰

五言律詩

江上阻風二首

極目風濤壯渾疑地軸浮鳥飛驚半墮蛟舞愜深遊吾
道將無措天心欲示留家園渺何許回首不禁愁

出處應誰主吾行可自由如何一江隔翻作半旬留雲

色連天暝濤聲蹴地浮安恬應有日任我渡中流

和答沈鳳峰二首

沈子趨朝日同予被命年幸茲聯桂楫忽漫阻淮船望
已秋臺重文將北斗懸經旬阻談笑逸思邈雲川

落日懷人切滄波鼓楫遲我承丹陛命君赴白雲司健
翮終雄奮疲駑已倦馳忽承瓊玖贈裁答媿蕪辭

德州晚泊

落日滄波上孤城艤客槎風聲迴絕岸月色漫平沙宿

鳥頻移樹殘燈細吐花中宵愁不寢歸思浩無涯

舟中見燕

斜日迎風弱輕看掠水低天涯渺長路春晚足融泥洲
上時同憩柳邊還獨迷小堂多舊壘如去任教棲

燕羣飛向南詩以送之

戀土知非意隨春亦晚謀如何當此日尚自傍人舟屋
舊多棲托巢存或是不不嫌主人出好去為相留

再吟送燕

念汝南飛去憐吾正北行相看異鄉日忽動故園情梁
舊樓無改泥新葺易成祇愁主人出莫為捲簾迎

夜行二首

月出波光淨吾舟且自行危檣逐影去遠火帶星明清
世原無警他鄉亦故驚不聞有人語數自問前程
人語知舟近吾行賴不孤如何當夢覺猶未盡前途月
落行偏溢崖高遠費呼勞人竊自媿此意不能無

飲許龍石學士園亭短述三首

桂楫依沙渚茅堂共酒卮經年勞注想此日慰深思檻
竹吟風細流雲渡苑遲塵襟喜披豁坐久欲忘辭

天上歸來早城偏卜築幽孤亭凌日起高樹接雲浮觀
鳳人爭快登龍士願收寧親容暫爾未許遂優游

地迴塵喧隔林深暑氣微移樽臨曲檻爛酌對斜暉世
事浮雲變交遊屈指稀百年會能幾分手重依依

送張玉谿院中四詠

玉谿示四詩托物比類風人之義在焉不特

詞之工也紫藤之什猶有深意嗟乎正直之
為物妒者豈惟松栢哉綴拾緒餘亦作四首

小山

壘築當年事崔嵬儼作山漫言三島勝同時兩儀間松
嶼春雲合蘿庭夜月閒知公登覽際逸興邈塵寰

方治

憶昔到池上觀蓮有數公疏泉通漢苑作賦陋唐宮

宋

問有秋
蓮賦

逸興遲新碧

初見
葉

微吟佇晚風須知消息理莫

謂色為空

薔薇屏

小植叢叢密名稱類省薇憑渠聊作障莫用亂鈎衣仄
徑條應縛暖風花自飛故園遙憶汝三載賞心違

紫藤花

寂寞羣芳歇茲花晚著花低叢深隱雀老幹曲盤蛇裊
裊上緣物鮮鮮濫擬霞風霜搖落後為爾悵韶華

再和王谿四詠

清切無塵地。陂陀小有山。聊茲契幽趣。頓似出人間。鶴
憩心同靜。雲棲意自閒。張衡多藻句。流誦遍區寰。
池上蓮栽密。年華不負公。香分巴子宅。色奪梵王宮。濫
濫蘸清泚。裊裊泛光風。昔遊如可繼。歡賞莫教空。
虛庭藉屏障。綰束有薔薇。縱少才當局。應憐色染衣。月
明增旖旎。雨過正芬菲。孤松不成蔭。物理固相違。
春風發羣卉。也復到茲花。石根斜引帶。樹杪亂藏蛇。深
夜垂清露。遙香散彩霞。幸茲無剪伐。聊與度年華。

再疊四韻

玉署原非俗瀛洲合有山秀鍾紅日下勢接白雲間花
落午風寂鳥啼春意閒九衢車馬闌仙境隔人寰

檢押風光別勾稽歲月公即看青玉案湧出白雲宮小
蓋高擎露微香暗逐風幽懷寄篇什逸思欲凌空

石家錦步障玉署障黃薇繁花迷睡蝶香霧襲春衣樂
為遮風日聊資賞郁非祗愁春事歇轉眼又相違

曲附延高蔓濃攢滿眼花心惟依檜栢狀不擬龍蛇虺

裊搖明月霏霏團紫霞羣芳各競秀爾獨殿春華

和陳石亭早梅之什

纔見陽和轉相將風信催似攬春色至特向主人開景
較兔園早詩同何遜才獨憐亭上石欠我共徘徊

送太學生鄒子開南還

文采爾翩翩窮經正少年來遊上國日歸及早秋天孤
楫懸西照寒枝咽露蟬好尋桑梓樂還詠鵲鴿篇

鄒昆
季不

睦

送劉啟明赴泰寧尹

問爾官何向驅車入晉陽
郊原淡烟日旌旆肅風霜
民隱懷綏切邊陲保障良
勉旃樹勛業雲路看高翔

和夏桂洲喜瑞雪二首

喜見飄零雪應知兆有年
銀花分霽色瓊樹借春妍
泱泱浮光氣冥濛接遠天
重玄昭默佑一德鑒精虔

上苑同雲布遙空瑞雪飛
千林瓊作障萬雉玉成圍
地合知天近山明訝夕暉
憂民勤聖主神鑒若無違

送陳二尹部運還松

驛路速歸旌薰風五兩輕征輸多茂績撫字有賢聲省
稼星軺遍峨松公署清繫予桑梓念送子重闕情

送熊文德尹劍南沙縣

送子之官去天高風露涼好看循吏傳未覺簿書忙省
俗花村靜鳴琴白日長先公遺跡在宵為奠椒漿

先公有哀

慕祠在
延平

使郢出京西玄宗伯復餞

夙奉交情厚，朝承寵餞勤。
情知非久別，誼自惜離羣。
莽莽朔風厲，蕭蕭秋日曛。
明晨回首望，烟樹隔紅雲。

早發

晨起披星出，冰霜凜在襦。
淒風欺舊幌，病骨藉重狐。
北望瞻天漢，南飛感月烏。
須臾曙光動，迤邐見長途。

早發微雨隨霽道中即事

密雨灑長路，行雲上客衣。
纔看沾霰霏，旋復露熹微。
墟市人來集，林垌鳥漸飛。
忘機雙屬玉，立在碧苔磯。

駐節蕭寺

小憩皇華節閒瞻琪樹林不逢僧說偈欲問佛安心晝
暝長廊靜香消古殿深坐深還促駕容易日西沉

郵亭早飯

莽莽衝寒候茫茫度板輿孤亭聊小憩病體得微舒風
物鄉心切盤飧野飯餘簷前有餓雀乞食下庭除

夜行

深夜苦催發人行語不譁林鳥驚列炬候騎聽鳴笳歷

厯星垂野澄澄月布沙忽聞山犬吠知是有人家

南陽道中

靡靡川原接蕭蕭征馬鳴西風吹葉下殘日抱林明
弔古悲歌動傷時幽憤生蒼茫時極目依約見孤城

恭謁顯陵

宇宙鍾靈地先皇劍舄藏萬神嚴翊衛千古闕玄堂
江漢輸源遠匡廬引脈長中天瞻北極繚繞五雲翔

恭謁潛邸

肅穆瞻皇宇，岩堯切紫霄。彤庭白晝靜，桂寢瑞烟飄。天
啟飛龍地，虹流誕聖朝。萬年徵往牒，四海戴神堯。

都司公讌

太府皇宮側，孤城曉日東。名僚全楚盛，高會此時同。臺
迴旌旄列，霜清鼓角雄。酒闌還別去，錦袖倚微風。

陸石湮中丞邀飲王總戎園亭

勝會高賓集，名園幽興多。野亭藏雨竹，仄徑入烟蘿。几
席香縈篆，笙簧鳥送歌。更憐賢地主，不醉亦虛過。

邀石湮夜酌

暫屈中丞駕還憐老子迂霜清城角響月過竹窓虛款
語多鄉思盤飧媿客厨扳留須盡興莫問夜何如

吳蓀塘攜酒夜過

白下當年別清尊此夕同簿書君屈驥哀鬚我成翁歲
月蹉跎裏乾坤感慨中話長不知倦落盡燭花紅

王周二生移酒夜過

寂寞竹臺夜欣承二妙過城頭起嚴柝屋角挂明河勸

酒憐渠厚論文益我多看君才具美蹭蹬欲如何

五泉中丞南江憲副招飲席上口占

把袂年華改通家契誼深

二公尊翁俱先人同年學友

不緣今日會

空負別來心竹院霜晨肅山城海日陰世途終感慨相對一長吟

飲黎仰止宅

霽景江天豁層軒野望開雲烟嗟往事歌吹送深杯明世思者碩湖湘老俊才病軀還久坐東道有高懷

駝村大巡邀飲

天上來文旆湖南傍
法星層樓敞高宴
短晷落虛庭深酌
歡能盡悲歌醉喜
聽還言情未愜更
約坐山亭

戲作留別青蓮二首

神遊臨漢沔星軺亦郢城
奇事一朝見斯文千古情
仙書勞每贈瓣香心獨誠
回首蘭江上日日白雲生

玄圃辭仙侶瑤宮駕海鯨
風雲供笑詠湘漢結精英
騰我言歸日貽詩悵別情
懷君何處望明月大江橫

飯何老家

繚繞重岡去數家村
落中門多達官轍
主有古人風
城市身稀到田疇
歲屢豐野情無適
契短述贈山翁

宿古寺

古寺何年闢皇華
亦偶來疎風禪榻
靜寒夜竹窓開
擾擾浮生世悠悠
浩劫灰中宵眠不
穩羈思轉難裁

早入天壽山值微雨二首

曉踏橋陵路沉沉
雨在林青山埋白
日黃殿肅玄陰功

德垂無盡精英儼若臨無能酬覆載空媿暮齡侵
日月環陵寢烟雲卷檜松千年遺秘劍萬壑拱神龍寂
寞仙遊遠氤氲王氣重輕雷來倏忽挾雨過前峰

和張陽峰山行詩五首

五佛寺

雅愛名山勝春遊惜未曾幽懷渺何已倦足尚堪登欲
問無生偈還尋出世僧風塵出汨沒祇益病顏增

梅花洞

縹緲羅浮境虛明小有天
低枝橫掛月古石暗生烟
地迴塵喧隔名標世代傳
無從究開鑿漫自說桑田

弘光寺

小盡登山興來投古寺
深亂雲迷鷺嶺清晝發鯨音
世事真同幻霜華漸上簷
迷方聊解悟慙媿百年心

登巖頂

絕磴扳緣上憑虛得大觀
振衣翔物表決眚入雲端
日落鄉心碎天空劍氣寒
莫言虛日力聊適野情歡

洞口

迴合連千障
谿谿豁兩門
地幽春自老
雲護晝長昏
細路紆吟屐
浮嵐襲酒尊
時應猿鹿過
石蘚印蹄痕

和張龍湖山行

冬霽郊原靜
天開水墨屏
疎林出茅屋
寒日翳雲汀
逸思迢玄覽
長歌入紫冥
山中少塵事
僧戶晝長扃

送全九山太史使魯藩

冰雪歲云暮
西風折柳條
皇華重文德
藩邸挹台杓
劍

氣衝晨霧恩光遍魯郊玉堂推宿學佇望早還朝

登燕臺

九月燕臺上憑空眺望賒神都王氣合故國白雲遮日
落猿聲急風高鴈影斜羈懷正無那况復聽悲笳

有感故園和馬西玄韻三首

我有藏脩地層軒接素波病軀宜曠寂幽意締松蘿京
國年經別荒蕪日漸多素心原有約吾敢負烟蓑

自別幽棲地無時忘故山不知岩桂發虛負草堂閒江

海遲歸思風塵益病顏
冥鴻看矯矯羨爾政難攀
我憶幽棲地蕭然水竹居
野情聊取適薄分敢求餘
中散惟便懶河汾擬著書
素懷渺無限不獨為鱸魚

瑞雪三首

帝錫豐年兆春乘雪意來
花明禔聖院瓊積望仙臺
颯皆來無盡氤氲掃不開
九重昭泰象萬室仰堯階
朔雪千林盛連天舞素英
依依巧作態脈脈故無聲
似在空明界渾疑白玉京
感孚歌帝德鼓舞賀昇平

滕六恭承事天孫巧散花積來無玷垢飛處故欹斜精
意通三極歡聲協萬家皇風應有象春色浩無涯

無逸殿直宿次韻三首

奏幣神君殿祈靈太乙壇願均一雨施遍洒萬方寬月
映觚稜直風生碧樹寒感恩慚補報憂思浩無端

展禮瑤為席呼雩玉作壇仰知聖心切憂待阜民寬禁
鼓傳清漏絺衣生薄寒甘霖應不遠只在五雲端

肅肅紫垣靜微微香篆清即看塵事遠頓覺道心生開

闔從玄化憂勤仰聖明不勝顙望切數起問陰晴

送陳佩昌赴龍游博士二首

昔先大夫宦延平三山陳君佩昌嘗以書通
予獲見之時君之尊翁掌教吾松而予先兄
則其弟子員也俯仰幾二十年君茲以貢得
分浙之龍游余既重君學行而又有今昔之
感故賦詩以贈之

劍水聞名日燕臺會面年文場淹白首世業只青瑣夜

雨弦歌靜秋風首宿鮮知君敦古誼志不在騰騫
弱冠承庭訓長牋念子賢齊予慚我濫楚璞得誰憐世
事看更局年華歲逝川無端懷舊意相對重淒然

送周萊峰出守平度州二首

旭日都門道含悽送子行已多場屋誼況是故鄉情柳
拂春郊騎花明海國城雲霄初發軔期爾樹聲名

愛爾文章士而今民社司慎惟邦本重莫厭簿書卑郡
古弦歌在春深草木熙聖賢從政理須記講求時

和答宣龍田自況之什二首

會面從今日聞名自昔年
搏鵬時久擬屈驥古來然
賦見安貧志文辭潤筆錢
蹇予聊託契造次敢言緣
老我催頽漸慙猶逐少年
官情聊漫爾野性故依然
淺薄叨天眷尸鰥愧俸錢
何當返初服習靜息諸緣

送吳玉田赴進賢訓導

旭日照吟鞭薰風吹客船
洪都新教鐸聖井舊風烟
慷慨歌今日遲回惜別筵
勉旃端軌範茲地固多賢

送楊東川赴監利訓導

迢遞荆門道看君領教行家從故鄉挈士喜近郊迎雲
散獅山出風來鶴澤清仲宣樓尚在作賦繼休聲

送戴瀛岡赴奉新訓導

戴子吾邦彥書香奕世傳風雲孤素志事業付青氈岳
暝雲埋麓江春水拍天袖中有龍劍把贈帝城邊

送朱後齋赴河南

大省看筮仕名門克象賢憶逢君少日今見我哀年

僕昔

與君尊翁橫溪同自是源流遠非關雨露偏
茲翁有遺遊太學君方弱冠

蹟試問洛人傳

君伯父旅溪曾為河南左轄

和放棹即景兼述懷三首

落日扁舟遠微涼生葛袍沙添新漲淺帆倚夕陽
高世故看誰是風期不易消扣舷一長嘯秋色滿江皋

宦業全無著羈懷日更加有書消白晝無句詠青霞
雅調絃流水悲歌劍拂花茫茫滄海嶠回首未應賒

塵外黃金賤尊中白髮微昔賢多遜世老我已忘機
明

月如堪約白雲何日歸浮雲應勘破吾欲問漁磯

致政歸

休假經年疏歸來此日情祇綠憂老病敢謂薄榮名擊壤詩頻諷思玄賦欲成柴門稀客過吾亦懶將迎

題北溪耕讀卷

卜築清溪上衡門枕稻區桑麻深繞屋烟水綠平渠倚杖歌黃鵠呼兒具小車石林堪晚對隨意閱殘書

園中漫興

小園閉深春居閒適性真治蔬思抱甕嘗笋欲開尊老
矣無高興稀哉幾故人林泉聊爾已不復問朝紳

避寇入城寓居官廨

避寇北來居兼旬伏暑餘高城鳴柝後落日閉門初風
月自清景簾攏非故廬草堂時在望竹影上窓虛

慰姪孫友仁昌祖居宅俱罹寇燬二首

祖屋成灰燼倭夷很毒情我聞增慨嘆汝定淚縱橫已
已無深痛徐徐可再營才能年更富寧患業無成

世事寧非數人生合有灾幾年勞積累一日變灰埃出
谷鶯非托遷巢燕亦猜但看勤植立天意有安排

卜居

避寇來城郭倉皇就此居敢思求巨麗幸得免憂虞草
舍隣翁過蔬畦稚子鋤地偏情未穩吾自憶吾廬

城卜值重午

海上旌旗滿人間令節臨亂離天不顧樽酒我何心井
邑炎烟遍村墟殺氣深逃移思骨肉何處覓來音

盜賊

盜賊何充斥咆哮劇虎狼焚燒靡孑遺逃竄各倉皇骨
肉稀音問交遊有死亡憂來頻悵望清淚濕衣裳

大雷雨二首

忽聽轟雷震渾疑大地搖滂沱鳴急澍揮霍走狂飈玄
化杳難測天威默自昭凶頑嗟已甚應得爾魂消

梟翫與鷗張難當爾跳梁嗟無罷虎將恨縱狹獠狂罪
惡已盈貫神明自鑒量將無轟霹靂萬里淨炎荒

寇退述懷

聞道倭夷退貪殘志已充
官軍猶假息將帥可言天
意含糊裡人心戰惕中莫
教桑梓地再見燎烟紅

亂後出城二首

刁斗聲猶在瘡痕痛正深
田廬迷故業飄泊慰歸心
生理渾無賴催科況可任
感時添老淚到處一沾襟
變亂歲時更皇天未洗兵
連村纔一突十口半無生
宿鳥無棲托孤嫠接道行
艱難勤救死愁聽說催徵

除夕示兒姪三首

城上更傳急尊前燭燄紅
即聽數刻過便是一年終
酌看昆弟愁嗟獨病翁
不知今夕飲再得幾番同

老淚傷時落哀顏借酒紅
豈期鄉國難竟底歲年終
憾憾懷先德惻惻成老翁
却思色養日笑語幾迴同

祇有愁容慘寧看笑靨紅
試從千古論誰駐百年終
世難能無厯童兒易得翁
他年今夕會須憶此宵同

喜兒姪俱屬和

身外塵緣淺堂前酒醖深笑予多感慨喜汝漸能嗟敢
忘先人德應憐後裔心醉來還自慰膝下玉森森

勉諸孫四首

汝辱冠裳列常兒已不同名稱須務實令始要圖終篤
教非吾力勞之在汝翁百年先世德期汝振家風

學海今初涉工夫未有涯即看童子耳敢以大人期澹
薄吾無遺承傳汝自為祖孫原一氣愛汝故孜孜

吾祖肇文基嚴親益大之我承猶強勉汝父僅支持到

汝應愈重投艱實在茲世途多偏側振起是男兒
草有薰蕕異人因習染殊今朝同隊侶他日幾賢愚白
日聯翩去青春遞續催再看三二載便是大人為

勉諸姪孫二首

見爾諸孫子瞿然感老迂只今叨顯達曾歷苦工夫立
志須超世承家惟業儒男兒期遠大毋忘祝桑弧
濟濟青衿子不殊同隊魚朝來適相過見後幾長嘘問
學登天似工夫掘井如青年毋易擲當為惜居諸

贈董子元移居次張月鹿韻二首

之子清修士悠然大隱情移居原避亂習靜為逃名庭
有鳴陰鶴林多求友鶯通家真忝竊羨爾著書成

羈旅相過日論文數啓予風塵聊對酒水竹且謀居樂
志宜公理垂惟擬仲舒舊林烟月在歸夢未應疎

石湖諸公小會草堂二首

草舍魯期聚文軒此屈臨清遊達人事好客老夫心共
惜交情厚休辭酒醖深民艱方日甚感嘆幾沉吟

竹牖與茅堂居然野老庄
高人時枉顧衰白頓生光
徑草浮晴翠林花送晚香
杯行莫停手天際易斜陽

諸君有和再答

眼底兵戈滿尊前涕淚多
時艱合有此天道竟如何
至治思隆古愁懷幾逝波
相看俱白首莫厭數相過

用前韻再呈石湖

俗子無交涉名賢辱眷臨
辭榮元亮興憂國少陵心
黃鵠翩其逝滄波流日深
陽春有高調佇聽一長吟

雅志樊生圃遙慙裴相庄青雲謝冠紱白首映輝光尊
酒深浮碧爐薰細裊香連陰劇愁思今日快晴陽

書三詩翁集後三首

昔有三詩叟嗟情月共高百年忘富貴千古擅風騷挂
劍誼何極懷賢心獨勞萬安橋下水日夜自滔滔

邁往耽詩志窮瘵守義身不緣好事者虛負苦心人伯
道悲無後原思獨患貧招提行樂處悵望幾長嘯

白日坐超忽青山自古今眼前無耆老越世得遺音後

死吾何及斯文誼獨深無能永翁譽俯仰為沉吟

文簡集卷十七